

**Filem, Drama Celarukan Nilai Murni Perlu Dikawal - Raja Muda Perlis  
Bernama  
14 September, 2012**

KANGAR, 14 Sept (Bernama) -- Raja Muda Perlis Tuanku Syed Faizuddin Putra Jamalullail mahu penayangan filem dan drama yang mencelarukan nilai murni masyarakat Malaysia dikawal supaya tidak mempengaruhi minda generasi muda.

Sehubungan itu, baginda berharap stesen-stesen televisyen meningkatkan program yang boleh menyuburkan nilai murni masyarakat termasuk program berunsur keagamaan.

Bertitah pada majlis perasmian Titian Kasih Mega 2012 peringkat Sekolah Menengah Agama Al Madrasah Ad Dinniah, Arau hari ini, baginda turut berharap ibu bapa mengehadkan masa anak-anak menonton televisyen terutama rancangan yang tidak sesuai untuk peringkat umur mereka.

Tuanku Syed Faizuddin yang juga Yang Dipertua Majlis Agama Islam dan Adat Istiadat Melayu Perlis (MAIPs) bertitah ibu bapa juga perlu meluangkan masa secukupnya bersama anak masing-masing.

Titah baginda pihak sekolah juga berperanan menyuburkan nilai murni itu dengan memperketatkan penguatkuasaan dan pemantauan pelajar mereka supaya tidak terjebak dalam kancah yang merugikan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=694773>